

Häfe - Zunft Brönznau

Schnitzelbänke

2002

Aidu aidu aidu schöner Aidu schöner Schnitzelbank

Scho esch weder es Jahr ome ond verbi
me seit es seg au gar es Bsondrigs gsi.
Geschechtsbüecher wärde jetzt gschrebe,
vo TV3, em Euro ond de Swissair wo esch am Bode blebe.
doch i öisem Buech do hets Dorfgeschechte dren,
chonnt doch de mängere Person weder e Story i Sen.
So wend am Zeichner Kriegel sini Höuge ond öisi Verse,
öich liebs Publiikom onderhaute ond net öppe nerve.

Tuet dä ned vergäbe mäie? Mou, dä tuet vergäbe mäie!

Wenn me Rase tuet asäie
muesch ne zwösche ie au mäie.
De Birrer Dänu het das ou müesse leere
drom tuet är de Rasemäiher vöre zere.
Haub vergäbe, ond de Sack hani ou nie müesse go läre
so dänkt de Brida, wo är de Rase tuet abschäre.
Doch plötzlech chonnt är de is schtotze
die Häumli hät me no töifer chönne abepotze.
Är lengt sech a Grend, tuet das ned weh
met em Messer dren, näm's automatisch meh.

Tuet dä do ned rassig hendertsi fahre? Mou, dä do tuet rassig hendertsi fahre!

Wenn de Metall- ond Schmedeverband z'Brettnou tuet tage
mag's ou e Apéro vo de Gmeind verträge.
So tuet me de Tesche ond Gläser dosse ufstöue
de mues me de nome no of d'Wyleferig zöue.
Of e letscht Dröcker chond de Kubu härezfahre
zom schnäu uszlade die Fläsche us dem Chare.
I eim Gjofu tuet är hendertsi umeränke,
ond scho tuets Gläser und ei Tesch onder dem Chlapf versänke.
De Sönder tuet nor Tör uf ond het gseit,
„de Hendernis-Sensor im Outo heig verseit“.
Me söt ned nor de Technik vertraue
bem hendertsifahre lieber no i Röckschpiegu gschoue.

Het dä ned es cheibe Päch?

Mou, dä het es cheibe Päch!

De Aerni Beätau duet z'acherfahre
mit em 4-schar-Pflueg ond sim grosse Chare.
Me weis, e sones G'fährt esch läng
do macht's bem Chehre de plötzlech «päng».
Met em Pflueg het är en EW-Stange touchiert
ond die grad quasi abrasiert.
Chraft het's do ned vöu brucht derbi,
denn die Stange esch fasch doregfuulet gsi.
Gäu Beat, do get's nüt zum Prahle
Jetz muesch no de ganz Cheib säuber zähle.

Nemt dä ned es fausches Mettu?

Mou, dä nemt es fausches Mettu!

De Bader Chregu esch ou onder d'Hobbygärtner gange,
drom gsesch ne öppe em Garte os omehange.
Sini Rose tuet är bsonders hege
ond si ab ond zue met Flössigdönger pflege.
Aber s'esch verrockt, ond fasch zom brüele
das Mou tuet är met Ochrutvertöuger di Pflanze spüele.
Chregu, wär sini Pflanze met so Züg tuet verschrecke
mues sech ned verwondere wen ehm die nochhär no verrecke.

Tuet dä do ned Wasser spare?

Mou, dä do tuet Wasser spare!

Zo mene feine Raclette tuet me Händöpfu serviere
do chond de Presidänti vom TV grad echli is stodiere.
Usgrächnet de Schriener Mattli tuet si a ere Chochtopf lo,
doch leider tuet är vo dem ned vöu verstoh.
D'Händöpfu i Topf, Decku zue, ond de Schauter of's Sächsi stöue
ond scho chöne die Ärdöpfu vorsech he schwöue.
Doch leider het är kei Wasser i Pflanne to
ond scho gli esch de Pflannebode über Platte abe cho.
So müend die Lüt am Racletteobe es esch ned richtig
Händöpfu ässe mit Aluminiumbeschichtig.

Esch das ned e pinlechi Sach?

Mou, das esch e pinlechi Sach!

Am Morge go schafe ond med em Auto Lampe ha
drom chöme au Herr ond Frou Andermatten dra.
Scho ber Käch-Garage esch s'Sonjas Panne gsi,
de Zuefau wots, dass de Gitti Pietro grad fahrt verbi.
Är risst en Stopp, channi häufe ond scho werd überbröckt
jo, de Pietro het das Auto au ned zom Läbe entzöckt.
Met Abschleppe so goht die Üebig de haut witer
vielleicht esch de Ehema Viktor deheime no gschiter.
doch dä Kaderma von Schweiz SHELL-Benzin
fend är häig i dem Fau nor ei Medizin.
So mues de äne Garage Stierli die weis jetzt secher Rot
worum dä Chare scho lang i de Autecke enne stoht.
E kei Benzin im Tank, liebe Lüt Show esch perfekt
schön esch, dass ou ame Benzinfachma öppe e Chare vereckt.

**Tuet dä do ned Wasser spare?
Mou, dä do tuet Wasser spare!**

Zo mene feine Raclette tuet me Härdöpfu serviere
do chond de Presidänti vom TV grad echli is studiere.
Usgrächnet de Schriener Mattli tuet si a ere Chochtopf lo,
doch leider tuet är vo dem ned vöu verstoh.
D'Härdöpfu i Topf, Decku zue, ond de Schauter of's Sächsi stöue
ond scho chöne die Ärdöpfu vorsech he schwöue.
Doch leider het är kei Wasser i Pfanne to
ond scho gli esch de Pfannebode über Platte abe cho.
So müend die Lüt am Racletteobe es esch ned richtig
Härdöpfu ässe mit Aluminiombeschechtig.

**Esch das ned e pinlechi Sach?
Mou, das esch e pinlechi Sach!**

Am Morge go schafe ond med em Auto Lämpa ha
drom chöme au Herr ond Frou Andermatten dra.
Scho ber Käch-Garage esch s'Sonjas Panne gsi,
de Zuefau wots, dass de Gitti Pietro grad fahrt verbi.
Är risst en Stopp, channi häufe ond scho werd überbröckt
jo, de Pietro het das Auto au ned zom Läbe entzöckt.
Met Abschleppe so goht die Üebig de haut witer
vielleicht esch de Ehema Viktor deheime no gschiter.
doch dä Kaderma von Schweiz SHELL-Benzin
fend är häig i dem Fau nor ei Medizin.
So mues de äne Garage Stierli die weis jetzt secher Rot
worom dä Chare scho lang i de Autecke enne stoht.
E kei Benzin im Tank, liebe Lüt Show esch perfekt
schön esch, dass ou ame Benzinfachma öppe e Chare vereckt.

**Send die ned guet im Hus-Nommere läse?
Nei, die send ned guet im Hus-Nommere läse!**

Bem letschte Storm het's a de Dächer gröttlet
ond ou öppe Ziegu abegschöttlet.
De Lerch Hämpu ond de jong Houzbängu tuet me of Bottewil übereschecke
zom det es Dach go z'flecka.
Raz – faz tüend die Zwe die Ziegu ersetze
ond de gli weder heizue hetze.
Hämpu ond Mischu do händ der öich i de Adrässe schön vergreffe
bim Nochbehr äne hett de Wend emmer no i d'Hötte inepfeffe.

**Tuet dä do ned jede Mescht röie?
Mou, dä do tuet jede Mescht röie!**

Wo de Kuenz Resu am Sonntag am Morge e Rouchwouke entdeckt
het en de das scho chli erschreckt.
Höt tuet doch niemer Motfüre
ond scho tuet är is Torbemoos öbere stüre.
Am Elleberger si Meschtstock esch de Grond gsi för das Fүү,
doch am Bsetzer esch es de plötzlech nöm ganz ghür.
Met Chessu ond Schluch tüend si das Fүү idämme,
do foht dä Rosbsetzer de plötzlech a zänne.
Wöu die Gomp-Esle so vöu Dräck tüend produziere
tuet sech de s'Meschtstreue gar ned räntiere.
So hed är dä Brand vorsätzlech gleit,
dass de dä Abfau i d'Loft ue geit.

Esch das ned e saumässig Sach?
Mou, das esch e saumässig Sach!

S'Schürer Anschi hautet sech e Sau
i ihrem lääre Söilistau.
Das chont ebe e so –
si het die vom Zirkus Monti übercho.
Doch plötzlech einisch hout si ab die Sau
und hindenoche s'Schürer Kürtus Frau.
Bes id Gartewirtschaft vom Restaurant Piz-Paz
erstreckt sech de die Söilihatz.
Det het das Viech vo wäge hindenochejage
ou no grad e Statue a Ranze gschlage.
Do gseht me weder, sones Borschtetier esch ned domm,
es het nur Längizyt gha nach em Publikum.

Loht dä die ned e chli lo warte?
Mou, dä loht die scho chli lo warte!

De Graber Chregu gsesch öppe met e me Tröcker omefahre
em Rüegger z'Rothrischt ghört dä Chare.
Of Ammrswil go Rohling i Laschti ine schletze
ond scho gsesch ne weder zrog of Rothrischt hetze.
Of em Wärrchhof tuet är di Ladig de lo stoh
ond tuet is Wocheänd goh.
I der Staurohri chöme si de aber grausam is rotiere,
wöu me Samschtig-Sonntig di Teili ned cha montiere.
Wär sini Chonde e so loht lo hange
mues wörrcklech ned lang of es Schnetzubankböud plange.

Söt die ned zerscht, be sech luege?
Mou, die set zerscht, be sech luege!

Weme zom flüge louft am Floghafe i
de sött ou de Pass ned abgloufe si.
So tuet s'Bienz Evi am Röbi si Uswiis richtigstöue,
dass de z'Zöri os niemer het e frächi Göue.
So fare si am Samschtig met eme Kollegepäärli a Airport
zom zäme in Irland z'fröne am Bootssport.
Doch a de Passkontroue lougt s'Evi grad echli i
den ou ere Pass isch abgloufe gsi.
So chöne nome die zwe Manne abflüge
s'Passbüro cha die Verlängerig erscht am Sonntig bezüge.
Of Brettnou chöne mer de nömme go,
sösch tüemer secher no im Schnetzubank cho.
Los Evi, mer händ öisi Spione überau
so hätsch ned ines böuigs Stondehotel müesse Knau of Fau.

Esch das ned e Strossechöchi?
Mou, das esch e Strossechöchi!

S'Zimmerli Leni häti im nöie Huus ganz gärn,
e so es Chochfäud wo höt esch modärn.
Doch die chocherei werd de gli zonere Qual
die Frou het Stress med de komplizierte Schauterwahu.
Platte werd ned heiss, jetzt het si gnue,
ond mues d'Härdöpfu ofem auté Chochhärde weder öbertue.
Med de Pfanne, über Stross, i die aut Wohnig det hets fonktoniert
aber s'Mettagsässe händs de weder im nöie Huus äne diniert.

**Het sech dä ned säuber gleit?
Mou, dä hets sech säuber gleit!**

Ben'ere gmüetleche Rondī tuet es Bierli scho öppe verleite
das breicht ou de Roth Steffu vo de Vordere Breite.
Zo de Irène seit är, i be doch kei Totsch
s'nöchtscht Bier chasch häre läre wot wotsch.
Im Däschu do muesch ned lang plange
ond scho werd bschtäut die nöchtschi Stange.
D'Irène vom Däschu de Feschthöttetöff
brenzt am Steffu de haut ou no e sones Gsöff.
Bem Wort nemt si ne, das esch auerhand
ond lärt em das Bier en abe, vo sim Öbergwand
E guete Rot a de, vo de Hardgarage
nüt säge esch besser aus e setigi Blamage.

**Tuet dä ned am fausche Ort schlofe?
Mou, dä tuet am fausche Ort schlofe!**

Zom sech för Liib ond Seeu öpis z'gönne
tuet de Piz-Paz Beizer of Rhifäude abe rönne.
Bade, Dampfbad, Wirlpool, au die Vergnüege
tüend en de grad echli ermüede.
So tuet är i de Sauna of Pritsche hocke
doch scho baud tuet be em s'Sandmändli a chlopfe.
So tuet är fredlech Pfuse
ond scho lod är Termine lo suuse.
Wo är Zobe am föifi tuet erwache
söt är eigentlech scho weder Pizza bache
I einere Hektik tuet är de Serviertochter kable
si söu noni vöre gä Mässer ond Gable.
Mit knorrendem Mage ond eme Apéro müend die Gäscht verwile
bis de Beizer ändlech id'Chochi tuet zile.

**Hend die ned 2 Mou, müesse lüte?
Doch, die händ 2 Mou, müesse lüte!**

S'hürote esch e schöni Sach
drum wärde de ou vöu Fotine gmacht.
So goht's ou be de Bärtschi Brige zue
die gseht bem fotografiere nie gnue.
Mit Auto, Ross ond Chatz ond Hund – es esch verröckt
werd das Päärli ofs Fotipapier dröckt.
Die Brige chas eifach ned losi
drum goht de Zyt au so schön verbi.
De Pfarrer tuet scho um sech g'schoue
und dankt: Wenn chöme ächt die Lüt zum troue?
E gueti Viertelschtund spöter esch die Gsellschaft de cho
do het de Sigerist s'Glüt zom 2.te Mou aglo.
Met Verspötig het de Pfarrer die Trauig chönne vornäh,
blist nor z'hoffe, es heig wenigstens schöni Fotine gäh.

**Tuet dä ned am Chnopf ome schpele?
Mou, dä tuet am Chnopf ome schpele!**

E Klassezämekonft fiiret me, so set's öppe si
am beschte of em Scheff ond bemene Gläsli Wy.
Ou de Schänk Heinz wot sech i Mettupunkt röcke
ond tuet so of e me rote Chnopf ometröcke.
E Sekonde spöter gottferdori s'esch wörklech z'vöu
stöhnd of ei Chlapf au Motore stöu.
Schänk Heinz dä esch gröndlech i d'Hose gange
sösch wörd dis Böud ned do obe hange.

Louft dä do ned, «oben ohne»?

Mou, dä do louft, «oben ohne»!

We me e Dirigant z'Aarou is höchschte Amt tuet reise
do set sech de Verein am Empfang de scho go zeige.
Doch de Fähnerech esch i de Ferie gsi,
schnäu setzt me de Fahnegötti Däster Beat aus Vice i.
I eim Ghetz tuet är dä Fahne zom Chaschte us riise
das tuet en de Safewil äne grad e chli Bschiise.
Vouer Fröid wot är am Afang vor de Musig Brittnou stouziere
doch leider tuet die Fahne weder e Kordle no e Spitze ziere.
Los Beat, es längt ned, we me z'ersch tuet de Fahne finanziere
ond de nochhär d'Gebruchsleitig ned tuet stodiere.

Tuet die net e Reisebus bueche?

Mou, die tuet e Reisebus bueche!

D'Bank im Dorf die Aargauische Kantonal
macht Chondepflege ond wie e genial.
Bem Geschäfts-Usflog Bankchonde beröcksechtige
das fend au s'Kühni Hanni ou s'rechtige.
So schpuckt de ehre PC es Biefli us
wo flattert am Dorfverein WPV is Huus.
E Reisebus werd bschöüt, au d'Reiseroute es scho notiert
sie suecht nor no öpper wo die Bänkler pilotiert.
Doch bim Weggertaler-Poschtouto-Verband tuet gar kei Bus existiere
so mues die Bankfrou weder vo nöiem a vo organisiere.